



PRESS RELEASE

TŠEHETSO HO LITHO TSA RONA NAKONG ENA EA COVID-19



Alliance e hlokometse boima bo bakoeng ke seoa se aparetseng lefatše sa lefu la Covid-19, le ka moo moruo, likhoebo, linaha le malapa li amehileng ka teng ke boemo bona.

E le ho qoba seoa sena, 'Musu o ile oa nka qeto ea ho khina metsamao ea sechaba, likhoebo tsa koaloa nako e fetang Khoeli, batho ba lahlehelo ke mesebetsi, le moruo oa thefuleha ka tsela e makatsang. Sena se bakile mathata hoo batho ba bang ba tla sitoa ho -phethahatsa litšoanelo tsa bona tsa khoeli le khoeli, tse kenyeletsang ho lefa seabo sa Insurance, ka tsela e tloaelehileng.

Boemong bona, Alliance e ikamahanya ka hohle le phatlalatsa ea 'Musu oa Lesotho hore likhoebo tse kholo, li etse letsoho la monna, ho thusa sechaba ho feta maemong ana a boima a bakoeng ke seoa sena sa Covid-19. Alliance e tla nanabetsa letsoho sechabeng ka mekhoha e latelang:

1. MONYETLA OA HO KHEFUTSA HO LEFA SEABO Mpate-sheleng le Matsete

Alliance e itlamba ho nanabetsa letsoho ho litho tsa eona tsa mpate-sheleng le matsete, tseo meputso ea tsona ea khoeli le khoeli e anngoeng ke ho khinoa hoa metsamao ea batho (lock-down). Litho tseo ebang meputso ea tsona e thefulehile ka mashome a mararo lekholong (30%) ho ea holimo, li ka kenya kopo ho Alliance, hore ba fuoe phomolo, ea ho fihlela likhoeli tse tšeletseng, ba sa ntše seabo sa mpate-sheleng kapa letsete.

Matlole a mpate-sheleng ao likopo tsa ona li ananetsoeng, ha a na ho lahlehelo ke botho nakong eo tefo ea seabo e khefulitsoeng, 'me likopo tsohle tsa matšeliso li tla lefshoa ho ipapisitsoe le melaoana le lipehelo tsa policy.

Likopo tse tla mameloa, ke tseo liabo tsa matlole a tsona a mpate-sheleng a neng a felletse qalong ea ho khinoa hoa metsamao ea batho (lock-down).

Kopo e 'ngoe le e 'ngoe e tla hlajojoa, 'me qeto e etsoe.

Ngoliso e tla qala ka la 1 Motšeanong ho fihlela ka la 30 Phuptjane 2020. Etele leqephe la www.alliance.co.ls ho ingolisa.

Liabo ka kakaretso tsa Alliance

Litho tsohle tse nang le matlole a tšireletso tsa makoloi, matlo, thepa, khoebo le tse ling tse oelang mokhahlelong ona, li lokela ho etsa bonnete ba hore li lefile ho latela lipehelo tsa tumellano (policy) ho qoba ho lahlehelo ke tšireletso. Ha e ba bothata bo le teng, litho li koptjoa ho ikopanya

le li Broker tsa bona, kapa Alliance (ha policy e nkuoe ka kotloloho ho Alliance). Re tla leka ka hohle ho khahlametsa litho hore li se lahlehelo ke tšireletso ea thepa ea bona.

2. TEFO EA MATŠELISO OOHLE (all claims)

Alliance e tla lefa matšeliso ohle ho matlole a tšireletso a lokelang ho kenyeletsoe le lefapha la Employee Benefits. Sechaba se koptjoa ho ela hloko hore matšeliso a ka ba morao ho lefshoa ka lebaka la boemo bona ba ho khinoa ha metsamao, mohlala, moo thepa e latoang Afrika Boroa, kapa linaheng tse ling.

3. HO NCHAFATSA SEABO SA SHORT-TERM

Litho li lokela ho hlakisa maikemisetso a ho nchafatsa li policy tsa bona tsa short term hore tšireletso e joalo e tsoele pele. Lebaka ke hore letlole ka leng le fetoha tumellano e ncha ha le nchafatsoa, ka hona litho li lokela ho hlakisa ka mongolo maikemisetso a ho nchafatsa tšireletso.

4. LITŠEHETSO TSE LING

Ho fetola boleng ba Mpate-sheleng

Nakong ena e thata litho tsa rona tse lakatsang ho theola seabo sa mpate sheleng tsa bona moo ba utloang ba imetsoe li tla lumelloa. Hape litho li tla lumelloa ho khutlela boemong ba mpate sheleng ba pele ha maemo a khutletse setloaeling ho sena lipehelo tse ka amangoang le nako e eketsoang (Waiting Period). Sena seka etsahala Nakong ea likhoeli tse leshome le metso e 'meli (12 months).

5. LIPEHELO TSA HO LEFA SEABO (SHORT TERM)

E le ho khahlametsa litho tsa rona tse sebetsang li le malapeng nakong ena ea khino ea metsamaho, melaoana le lipehelo li tla bebofatsoa ho sireletsa le thepa ea mosebetsi e sebetsang e le malapeng. Bakeng sa litlhakisetso, ikopanye le Broker ba hao kapa lekalana la Alliance le haufi le oena.

Bakeng sa litlhakiso tse batsi, u ka letsetsa:

'Makeabetsoe Rethabile Mabaleha:

Head Group Marketing and Communications
Alliance Group Investment Holding Limited
Tel: 2221 5600 Email: mmabaleha@alliance.co.ls

Limakatso Mokobocho

Manager: PR, Communications and Sponsorships
Tel: 2221 5600 Email: lmokobocho@alliance.co.ls